

UGOVOR o isporuci roba

I UGOVORNE STRANE

Arhitektonski fakultet u Sarajevu

Sjedište: Patriotske lige broj 30, 71000 Sarajevo
Koje zastupa dekan prof.mr. Mevludin Zečević
Identifikacijski broj: 4200192800009
(u daljem tekstu: Kupac)

i

Imtec d.o.o. Sarajevo

Sjedište: Bosanski put bb, Ilijaš
Kojeg zastupa direktorica Safija Hadžić
Identifikacijski broj: 4200918780002
Identifikacijski broj obveznika PDV-a: 200918780002.
Transakcijski broj banke, ime i sjedište banke: 1410010000522607 kod BBI banke, Sarajevo
(u daljem tekstu: Prodavac)

II PREDMET UGOVORA

Član 1.

Predmet ovog ugovora je nabavka računara i tehničke opreme za potrebe Arhitektonskog fakulteta u Sarajevu prema Tenderskoj dokumentaciji Kupca, broj 05-914/2-18 od 25.06.2018. godine i Ponudi Prodavca, broj 00787/18-2 od 02.07.2018. godine, koji su u prilogu ovog ugovora i čine njegov sastavni dio.

Član 2.

Predmet ugovora obuhvata isporuku instalaciju, tesiranje i puštanje u rad sljedeće opreme na adresu Kupca:

- a) Računar sa monitorom sve u jednom - Dell inspiron All-in-One 3477-23.8/i5/VGA 2GB/1TB/Wind10Pro, bijela boja - 10 kom;
- b) Prenosni računar (laptop) – Dell Inspiron 17-5770, 17.3"/i7-8550U/8GB/1TB+128SSD/VGA 4GB+Microsoft windows 10 Pro 64bit - 1 kom;
- c) Kopir aparat - SHARP Kopir Mono AR-6020N+ADF – 1 kom;
- d) A4 mono laserski multifunkcijski printer/skener(kopir – HP LaserJet MFP M130a (G3Q57EA) – 1 kom;
- e) Legrand UPS KEOR multiplug 800VA/480W – 1 kom;
- f) Ipad Apple 12.9" Pro Wi-Fi 256 GB – 1 kom;
- g) Laserski printer HP LaserJet Pro M102a, crno-bijeli ispis- 1 kom.

Član 3.

Prodavac je naročito dužan:

- uz predmet nabavke dostaviti i sve neophodne dijelove, materijale i software koji čine integralni operativni dio svake komponente, a koji su neophodni za normalno funkcionisanje iste;
- ponuđač je dužan navedenu opremu isporučiti na lokaciji, instalirati, testirati i pustiti u rad.

III CIJENA I NAČIN PLAĆANJA

Član 4.

(1) Ukupna vrijednost predmetnog ugovora iznosi 30.833,01 KM (slovima: tridesethiljadaosamstotinatridesettri i 01/100 konvertibilnihmaraka) sa uključenim PDV-om, odnosno 26.353,00 KM (slovima: dvadesetšesthiljadatristotinepedesettri i 00/100 konvertibilnihmaraka) bez uključenog PDV-a.

(2) U cijenu iz stava (1) ovog člana su uključeni troškovi nabavke, isporuke, instalacije, tesiranja i puštanja u rad predmeta ugovora.

Član 5.

(1) Kupac će izvršiti plaćanje putem najkasnije 30 dana od prijema fakture Prodavca.

(2) Prodavac će ispostaviti fakturu nakon isporuke, instaliranja, testiranja i puštanja u rad predmetnih roba i kvalitativnog i kvantitativnog prijema istih od strane Kupca / Korisnika.

IV NAČIN I ROK REALIZACIJE UGOVORA

Član 6.

Prodavac se obavezuje da u roku od 15 dana od dana potpisivanja ovog ugovora, isporuči, instalira, testira i pusti u rad robe koji su predmet ovog ugovora.

Član 7.

O eventualnim nedostacima u količini i kvalitetu predmetne nabavke Kupac/Korisnik će Prodavca izvijestiti odmah, a najkasnije u roku od sedam dana od dana puštanja robe u rad.

Član 8.

(1) Garancija za predmetnu robu za:

- a) Računar sa monitorom sve u jednom - Dell inspirion All-in-One 3477– 3 godine uz mogućnost produženja na web portalu proizvođača putem serijskog broja uređaja;
- b) Prenosni računar (laptop) – Dell Inspirion 17-5770 - 3 godine uz mogućnost produženja na web portalu proizvođača putem serijskog broja uređaja;
- c) Kopir aparat - SHARP Kopir Mono AR-6020N+ADF – 1 godina;
- d) A4 mono laserski multifunkcijski printer/skener(kopir – HP LaserJet MFP M130a (G3Q57EA) – 1 godina;
- e) Legrand UPS KEOR multiplug 800VA/480W – 1 godina;
- f) Ipad Apple 12.9" Pro Wi-Fi 256 GB – 1 godina;
- g) Laserski printer HP LaserJet Pro M102a, crno-bijeli ispis- 1 godina.

(2) Garantni rok počinje teći od dana kvalitativnog i kvantitativnog prijema predmetne robe.

(3) U garantnom roku ponuđač je dužan pružiti sljedeći nivo servisnih usluga:

- Odziv na zahtjev za obezbjeđenje tehničke podrške u roku od manje od 2 sata. Pod ovim se podrazumijeva maksimalno vrijeme u kome će se ponuđač odazvati na poziv za pomoć od strane korisnika;
- Vrijeme između odziva na zahtjev i dolaska na lokaciju u slučaju potreba za intervenciju ponuđača na lokaciji korisnika u roku od 24 sata. Prilikom dolaska na lokaciju ponuđač je dužan obezbijediti zamjenski računar (ili ako je moguće dio) ukoliko nije u stanju da na licu mjesta otkloni hardverski problem na računaru koji ga čini neupotrebljivim;
- Vrijeme između prve intervencije ponuđača na lokaciji korisnika i konačnog otklanjanja problema u roku od manje od 7 dana. Pod otklanjanjem problema se podrazumijeva i zamjena privremenom opremom istih karakteristika;
- Nakon isteka garantnog roka, dobavljač je dužan osigurati postojanje servisa na području Kantona Sarajevo kao i rezervnih dijelova za isporučenu opremu minimalno u trajanju od 5 godina, što će biti predmet eventualnog posebnog ugovaranja na godišnjem nivou;
- Pod vremenom obezbjeđivanja servisnih usluga se podrazumijeva period ponedjeljak – petak od 8 do 15 sati osim zvaničnih državnih praznika na području na kome se nalazi korisnik.

V STUPANJE NA SNAGU I RJEŠAVANJE SPOROVA

Član 9.

(1) Ovaj ugovor stupa na snagu danom obostranog potpisivanja od strane ovlaštenih lica ugovornih strana.

(2) Ukoliko Prodavac ne bude u roku i na ugovoren način izvršio sve ugovorene obaveze, dužan je za svaki propust i/ili svaki započeti dan kašnjenja u izvršenju ugovora isplatiti Kupcu iznos od 20 KM, a najviše do 10% od ukupno ugovorenog iznosa.

Član 10.

Svaka ugovorna strana može pokrenuti postupak raskida ugovora ako druga strana ne izvršava ugovorene obaveze, uz otkazni rok od 15 dana.

Član 11.

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VI OSTALE ODREDBE

Član 12.

Prodavac nema pravo da, u svrhu izvršenja ovog ugovora, zapošljava fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 13.

Za sve što nije regulirano ovim ugovorom primjenjivaće se odredbe propisa o obligacionim odnosima u Bosni i Hercegovini.

Član 14.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pisanoj formi.

Član 15.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za Prodavca




Safija Hadžić, direktorica

Datum: 25.07. 2018. godine

Broj: 3330/18

Za Kupca




Prof. mr. Mevludin Zečević, dekan
Arhitektonskog fakulteta u Sarajevu

Datum: 11.07. 2018. godine

Broj: 05-30/108/18